

20  
3577  
2



120  
3577  
2

10/10/10  
10/10/10

縵雅堂駢體文卷四目錄

玲清仙館詞序

越郡闡幽丁錄序

仁圃張君畫象贊

讀伏敵堂詩書後

祭浦江令李君文

乞巧文


海運賦

燐火賦

李絳真宰相論

竹中憲一氏

1995/2  
寄贈



曼雅堂駢體文卷四

山陰王詒壽眉叔著

陶子珍玲清仙館詞序

瑤瑟善怨秋笛工愁宛轉其音倚聲爲近自高樓暝色播  
逸響於青蓮流水桃花標清芬于西塞作者踵起令慢葡  
體織冰綃於泉底濯瓊蕤於露下結縹緲之眞思杼澂綺  
之雅辭比興所託斯爲上矣晚近才俊目爲小道恣其奔  
軼不知爐錘妄言清空適成淺衍儻容備狀大雅鄙之子  
珍之詞標新霞表鍊香雲液鑄黃金事夢窗而疏宕其氣  
分白雲於玉田而玲瓏其聲祕色吐華殊采簇璠可謂出  
機杼于眾製融情景于一家者也僕早讀花閒之集學吹

月下之笙比方訂其蕪篇被之梓瑟傲帝之側觀此瓌寶  
雖非裸壤駭觀于龍章有類蛤珠奪耀乎蟾朗若夫斟酌  
宮羽協和雅樂愈唱愈高所願其勉來命徵言爰抒弱藻  
聊志同調無當引喙


越郡闡幽丁錄序

若乃稽山落日弔謝女之芳蹤虞水秋濤拜曹娥之靈宇  
門旌朗節爪畱碧血之痕嶺號清風石冷青苔之字越中  
姬姜之懿自昔爲多遺徽所承禮範勿替日月千載松筠  
一心古人往矣後來彌盛曩者會稽晴佳杜君思懿美之  
勿彰也志乘之無徵也旣結同志白有司歲彙其所采請  
之

中朝旌以綽楔復著其氏族敘其始末十餘年閒先後香  
成越郡闡幽甲乙丙三錄自粵寇狂熾鄉國淪胥避地倉  
皇事遂中輟及事平杜君歸道山于是孫瘞梅觀察起而  
踵行之窮訪八邑苦心十年丁錄一編脫藁三易夫寒泉

玉井秋心不波瑤池古冰春風何解悲涼黃鵠絕賢雄而  
戰飛蕉萃文禽誓雙灰而彌信漆室有援琴之泣陌上效  
桑婦之貞女德之修首惟立節況自黃狐嘯火青犢吹唇  
鬼妾充娛賢姜效灰女貞本後彫之木詎移于烈風幽蘭  
是靜女之花亦成爲劓艸刀邊碧面媿媿喋血之人軫上  
青鬟嶸嶸甘鞭之骨漬衣赴義漳江之水同清攜手臨川  
漢陽之魂不返是尤繁霜之喬節足垂曠日之令名者矣  
然而未剖之璞多緘耀于窮山遭碎之珠或湮彩于荒潦  
假非周咨邃幽咸表緹素則嫩揚莫及人代漸移亦比之  
枯蓼之蕤流塵之景而已且夫華績侈藻不可以狀葆素  
之質也調詞乏實不足以核茹苦之履也爲列女立傳原

本蔚宗之書分四端著錄略變中壘之例簡約乎其旨質  
直乎其言體格旣宐婦孺能解可以章懿美荀志乘矣癸  
酉之秋寫校旣竣將付梓人詒壽樂觀成書辱承授簡忘  
其縉襪使爲弁言霜梧夢冷知無戟手之魂錦字腸枯敢  
謝腐豪之索



仁圃張君畫象贊

君諱孔厚字仁圃山陰人也其先世多仕宦君少孤弱冠入都爲吏部椽循資得清源尉到官以能稱壯歲解組歸其所居地名松谿先人之廬五世合巽羣從怡怡家豪于貲揮霍好義視求金帛者猶束縵請火也咸豐辛酉粵寇竄浙越淪穢藪委骸楚囑哀號慘耳子女遭掠千百爲羣君毀家傾貲冒犯白刃計給首帥釋生藏灰越守廖公城陷歿節君出其屍殮葬成禮埽氛之後大帥今相國左公知而義之辟書始下而君已歸道山矣詒壽與君忘年結契殊軀同心自君之歿屢憶典型今其嗣君惟乾以君遺象來請贊詞爰就所知敬述之贊曰

觥觥張君曲江之胄華纓族鼎青箱業秀大穎豪眉生異  
凡陋儲性雄俊樹質淵茂早歲馳驅上京十載粉署襄勤  
黃綬佐最不卑小官聊處下位棲遲一政游戲三昧歸來  
故廬松谿之灣舍北春水樓西遠山琴畫位置鵬鷺往還  
君處其閒娛樂閑閑誨字羣弟順輯無傲姜被絮溫田荆  
花笑婦子熙熙誰嗷誰嗷射牛可脯詈貉匪教里郇一視  
毗隸屐裘借驢東家撲棗西鄰賜被樾夏寒噓風春備槍  
惡少化厥惠仁君之鬚髯林林如戟君之肝膽皜皜如雪  
丹旭四照秋雲千尺得其一諾可貫金子敬指困堯夫  
贈舟分金鮑叔共裘仲由乃及臧獲寬容優優壯哉雀鼠  
不事鉤鈎昔丁大亂越爲盜壕殺人類艸掠口成潮妝紅

鬼妾鎗綠人膏偏脅千狀慘不敢號君憫弱細賂其魁渠  
若放籠鳥如縱罟魚子無歸者闢廬與居飢無食者脫粟  
與俱積骸磊砢穢不可目蛇來吮腥厖怒爭肉君舍隆畝  
攢土簇簇奠彼殘魄幽燐無哭越守廖公伏劒效死骸橫  
蠡城魂歸湘水君計出之殮葬葡禮拜跪感泣舊部之士  
迄乎事定聞之帥臣奔令出牧招以弓旌咸曰義士東南  
之英惜君羽化早歸太清當君之歿遺孤幼穉溫肅八易  
頭角如此敬倫侶父荀令有子積善之慶孰云莫恃爰持  
遺象來請贊詞我昔與君雲龍逐馳蘭臭旣契竹心可師  
以我白望感君青垂嗟我落魄磨蝎在度頻遭勒紅漸添  
鬢素跛鼈見笑餓麟誰訴惟君知我時有所助憶君之情




潭水桃花想君之神碧天雲霞式瞻冠佩敬摘藻華德風  
載述以付君家

讀江崧叔伏菽堂詩書後

夫騏驎蜚鴻之良使之捕鼠則拙于跛貓矣金靈洪首之  
利以之絕系則侔于鉛刀矣故有祕書名彥不任于一官  
負奇瑰才見絀于百里何者用違其材而志局于地也江  
君崧叔以浩落不羈之資屈丞簿浮沈之列寒蟬比噤首  
抑乎上官媚狐善幻心鄙乎巧吏仇覽作簿不解爲鷹子  
猷著曹惟見牽馬攷績自甘于下下同僚咸目爲劇愚君  
鬱鬱不得志卒貧困以歿吾讀其所著伏菽堂詩劇肝爲  
句抉髓鍊思如古柯蘇剝渴澗沙露秋鷹怒擊天風忽驚  
子規夜唳山竹盡裂蠶叢力闢龍性難馴世無奇才卿當  
獨秀說者謂劊刻爲造物所忌憂苦非廟堂所宜戾俗蹇

遇此卽其徵不知文章因境而變才人無適不宐誠使挾其所蘊致身青雲掉鞅制作之林吐氣殿陛之上必將有雍容和平之唱典麗喬皇之觀用以振聲龍鸞垂光虹蜺何多讓焉卽不然而試萬言于荊州之門散百軸于長安之市美譽騰起游道日廣敝櫟題襟之集授簡飛蓋之會亦能致樓護五侯之鯖索令狐千匹之縑何至蕉萃困頓如斯哉而乃磨蝎在宮餓麟無食禰生刺滅阮籍途窮抑身末階託迹貧仕遂使重礎瓌寶堙彩于濁淵丹穴紺輝齊邁乎凡翻降心約性無所表見乃益縱其跼蹐之氣自廢于鞞版之中徒發其蕭瑟之音用抒其結轡之意亦可悲矣然而一編共睹千秋可傳前無古人卓然作者譬之

屈原殂謝騷經大著王充彫落論衡盛稱則亦君不幸中之幸也夫



祭浦江令李君文

君名居易字又白潁州太和人

嗚呼李君胡不少留馭狂雲極精實星樓悲君燦忽緬君  
生平儒林循吏萃乎一人汝陰古郡洵陽山邑岐嶷之姿  
鍾由世德龍頷儲志鸞藻飛聲一翼之俊千里之英十試  
賢書文章憎命匪命之屯進途有定吳楚之郊忽震金鼓  
巨寇豕突羣盜蠡午妖旂千隊別起魯齊潁爲接壤鳧侯  
夜嘯君憤投袂振臂大呼蠢爾青犢跳同黃狐義聲颺舉  
俊徒雲襲申令以教整旅而出

天子神武駕馭英雄平淮相國收京令公君隸其下自成  
一隊禽生縱騎犯圍搗旆神刀八尺差差白光電袞銀鵲  
血雨金狼或守要隘臥罷當道或搗堅砦穴螳迅掃名書

捷羽功收汗馬紅旂夜達

紫綸朝下

帝曰亂後政首撫民撫民之官令爲最親女功當賞可授  
厥秩毋曰微官乃荷鉅責惟浙之東有邑浦陽戈燹所歷  
林蒸流亾爰蒞我治爰厲我精字之以惠招之以誠瘡痍  
斯起康娛可待黍野苗肥柘村絲美乃立條教威以濟仁  
風懲丸赤迹斂雕青政令旣肅文教亦起鹿洞延儒鶴俸  
餼士我權教諭與君同舟耳飲芳烈心構淑休氣合苔岑  
香忘芝室兩載相聚一年之別去秋聞君劇邑量移暨陽  
之民瞻望旌旂境屬蠡州地接鷗里庶幾宇下我亦赤子  
何圖凶耗忽達江關傳譜韜藻宓琴罷彈愷澤常流長河


遽絕知彼士庶搏顙雨泣嗚呼李君歿何太早年旣非衰  
事多未了有母龍鍾雪髮早盈有子鳳毛翽翽未成君嘗  
謂余歸田何日奉母課子樂此晨夕清風兩袖秋水一卮  
卞投有幘裴還無資鬼伯不仁皇穹太酷盡室殊鄉惟有  
一哭桐棺七尺白雲萬重何時柳轂歸奠楸宮嗚呼李君  
道義之友淚飛花縣神馳絮酒君身隨化君靈在天摘此  
哀肌庶幾墜旃

乞巧文

癸酉孟秋七日既夕薄陰初斂微涼灑然王子于是散帶  
乎花下解襟乎風前翫素月之在庭睹華星之麗天有女  
媿媿瓜果列筵曰是良夕天孫過焉天孫司巧厥職惟專  
祀以乞之用是告虔王子乃悄然以思喟然以歎自傷蹇  
拙爲涉世患在昔柳州陳詞絢熈矧余冥頑敢曰荒誕爰  
注清茗爰整裾巾僂僕伏地稱蠓蠹臣而進曰世之險艱  
叢棘夾路顛踣喘汗不可以步彼獨何人優游翔鷺頂圓  
趾方等此天賦彼得太巧故鮮所忤何臣奇偏乖繆錯誤  
抒此鄙忱瀝丹以訴慕陶景猗今之風俗致富有術呼虜  
非辱爭黍較金論銖衡穀或落一毛儼刺片肉不嗜胡聚

不守胡足財實有神神降之福雄長里閭趨走戚族亦尊  
曰翁肥頭大腹而臣之拙謂此有毒但令看囊無事障籠  
隨手屢盡椒而不復坐此長貧飢困局促逐熱而集望火  
而趨視登華屋若履天衢巖巖大人儼然高居聆咳辨拂  
望眉識愉趨踣升降鵠聳雁舒韋骨旣具梘貌亦俱大人  
乃悅乃悅乃譽淑問雀踴崇榮龍攄而臣之拙傲性夙儲  
好惟奇服曳謝長裾木強不媚蹇偃若迂爲世警醜目爲  
狂愚玲齒宛轉簧唇流離齟齬動瀾翻不可端倪劇且成莽  
飾拓爲夷巨談浩瀚細語嗶呀葩豔四燦踞屑亂飛隨會  
而發莫不中機當者退舍聽者忘飢吾舌尙在何願不躋  
而臣之拙匹艾儷期蔑喙之長思食而肥直旣還俗啞亦

召譏美詞強學汗流溼衣若有人兮名騫青雲問若胡恃  
曰恃吾文是有時尙匪取其真鯨鏗鏗鎔虎蒙彪彬銑谿  
虬戶變幻若神天吳紫鳳顛倒乃新世有巨目寶若鏐琳  
交口而譽謂轍古人而臣之拙彘牙斷斷踏墨慮越紉古  
防芴詎能澤蠟以象椶麟天寶之眉非世所珍是皆大拙  
尤悔所自知而勿悛病在肝肺敢乞聖靈鑒此誠摯蘭旂  
桂旂停雲下視抉臣筋強俾臣體妍金丹骨換神鍼癖砭  
圓機斯悟故態悉捐庶幾獲吉爲世所憐仰惟聖靈聰明  
之府繡媛組娥薦亦勿吐豈臣之微厥誠乃阻焚香再拜  
敬俟靈祐



海運賦

我

聖清撫黃麟之瑞甸膺

紫鳳之瑤圖則鱗壤以定賦

頽鴻憲以徵輸歲轉百萬北貢

上都慶

神倉之隱脈充

天庾之珍腴二百餘年來風清漕路煙淨川途首淮浦以  
啟運遵潞河以順趨犀橈無阻修渠不迂挂席則聯雲一  
片整舵則銜尾千艦固已江靈效命河伯前驅矣然而事  
有變通政有更置軫轉輸之多勞籌度支之宏濟于是我

成皇帝乃運

聖謨采

廷議以爲在昔鴻溝遠湖太原集輓粟之船鶴哨橫飛遼海有雲帆之使惟因時以制宐庶源源而不匱遂改津路之值偁就海程之捷易斯蓋酌經權于

執中將以擅利涉于萬世者也爰

敕疆吏爰定規模具金翅之峨舸衛畫鷁之飛舫旂分幫而標繡員選俊以承符每當秋賦旣畢春氣欲蘇瑤粒雪疊絳桅雲扶伐開帆之鼓指神山之隅珠洋彩映碧澗錦鋪過鷹門而遠駛歷狼沙以若鳧波推濤駕旭且霜晡于夫高坐萬歲齊呼曾不費旬月之勞而安然已抵乎

神區或者曰自絳雍泛舟水輓肇役黃腫起運河道斯通漢唐承之迄乎始終若乃大海之內百怪所宮黑水綠水鱷風颶風神魚吹浪妖蜃吐虹顛危舟楫飄若斷蓬減費則薄得甌斯豐故元自至元以後明當永樂之中驚覆溺之屢告致正供之不充則意者從海之險而莫測不若從河之安而有功乎雖然是說也亦特據其常者而言之耳夫

國事不可以淺見度

王化不可以一軌量方今布

帝恩之湛濺徧海宇而汪洋試觀自海運以來于茲三十餘年矣舳艫所至玉粲飛香靈胥執弭以擁衛冰蠟擊鼓



以趨翔泛三十六洲若衽席經一百五島如康莊皇波無  
惑怒颺不揚鼉鼉迎使者之旆龍蜺拜旌節之光咸重洋  
之迅渡稀漂流之失防斯皆

盛世無疆之福而亦由駕御之盡善會哨之周詳則固非  
元明之代所得較其短長者也況邇者島夷效順颺輪騰  
燄轉雷機而若飛縣璣鏡以定點長脰鶻疾深目鷹閃窺  
海水以早測識礁砮而能剡艖穹則千斛可儲浪激而萬  
里一奄準金鍼以指程吹銅角而警險以是爲飛雪之將  
以是免海編之檢益寡費而鮮虞洵有合乎

聖儉若此者尤今時所創見爲往代所未知懿與休哉  
聖天子之澤普矣黔庶旣捐夫煩役倉庾仍實乎京師無

水仙之出沒有天后之護持淞水鼓桃花之浪津門駐楊  
柳之旂雀鼠無耗鴻龍竝馳故凡馬氏王氏諸家之論所  
謂費人之弊者皆不足例  
宏謨于今茲敬爲頌曰惟

帝出治準賦什一

廟社所繫供輸勿絕東南奧區飛輓歲率滄海鏡激檣楫  
羽疾魚龍俱馴風雲皆吉

九重告懌羣僚晉秩中外歡騰瞻

天仰

日


燐火賦

歲辛酉粵寇陷越癸亥冬官軍率泰西軍攻之于北  
郭其軍華人而夷其裝驍悍能戰夷帥又驅士庶持  
攻具傅城旣而軍敗則併殲焉及事平白骨蔽野聚  
而瘞之北原叢莽陰翳夜則燐火四出王子適見也  
遂爲賦以弔之

繫金素之蕭慄兮盼宵原以陰森蟾淪淵而無光兮煙霧  
野以沈沈曠四顧其無人兮惟脫葉之悲吟有幽燐之越  
莽兮若流螢之出林始孤熠之隱見兮漸眾星之錯落乍  
逡巡而前卻兮又恍惚而矚霍紛蛩螿其若相聚語兮復  
凌突若相譖俄凝伫而不移兮慘依依其若思抱煩冤而

莫訴兮渺殘魂其安歸怯驚颺之忽起兮將零亂以四飛  
曠野不可以久居兮聲隱隱其若泣而若悲悲乎哀哉傷  
紛紜之何辜兮乃同罹此酷烈惟人命之至重兮倏鴻毛  
之輕擲問女生之何爲兮原愚秀之殊役莽蟲沙之等化  
兮夫何分乎玉石彼將軍之桓桓兮氣彪虎而鬚磔天方  
縱妖鳥以翅張兮亦等歸于喪馘赫橫草之八尺兮孰裹  
之以馬革合兵庶以併命兮血入地以殷殷狐戴頭以人  
立兮又攫肉之多烏鳶白骨縱橫其不可以目兮聊聚之  
于荒原氣黯黯而霽旦若雨兮髮蓬顛其如山漸年深而  
爲靈怪兮閃碧火而去來無端吾誠莫能辨女爲誰何兮  
知其中當有舊知女有靈將尙識吾兮爰長揖以陳詞女

生旣不幸踐此駭慘兮又魂魄無所依願安此岑寂之  
鄉兮毋憑艸倚木以爲威緬上帝之至仁兮將命巫咸以  
招之待聯翩而上征兮親光化其有時語未畢兮飄風駛  
宿鳥啾啾兮驚欲起光四散兮雲冥冥聆山寺兮霜鐘鳴




李絳真宰相論

從來居安志危啟沃必資良弼處近慮遠社稷貴有重臣  
況唐當憲宗之時強藩虎踞梗化者五十餘州曠地狐鳴  
徵賦僅百五萬戶朱邪部曲祇保黃花犬戎跳梁屢窺赤  
縣此正王者宵旰之秋臣子圖報之日也方夫九重召對  
二相颺言李吉甫飾宇內以太平導宸衷以晏樂設絳隨  
聲諧黨貢諛博容縱君王有道未必喜悅媚之言而國事  
苟安將漸啟優游之習宐乎憲宗聆其時事之陳惕其危  
言之切而慨然有真宰相之歎也夫鼎職之所重者翊匡  
之力也人臣之所戒者阿順之風也唐興以來陪雉尾宴  
龍津列金字之碑陟靈芝之殿者多矣雲龍合契笙磬同

音規獻得大臣體發言繫天下重者亦眾矣卽元和之間如杜裴韋李諸臣或以善謀或以持法或以鯁直著或以忠實聞類不愧黃扉補袞之才紫殿調鈞之選而絳以渭南一尉特受主知學士銀魚拜鸞坡而結佩舍人金帶選象笏以親頒二年之間洵至宰相其忠貞之性加之以感恩其亮直之懷發之于奏對迨乎開延英而前席獨進悚詞實早懷積薪于寸衷有懷憂國嗟乎絳雖無洗光咸池汎檝洪源之鴻風而遭遇明主得盡所懷誠可與諸賢相竝論矣且絳之可謂真宰相者亦非僅以一節取也當李錡伏鉞之先浙右用兵之日流血徧千里之地剔髓搜六州之金絳則代黎庶償逋租爲國家培元氣雖未登乎政

府已遐播夫仁聲至夫吐突承神策之寵安國建聖政之碑一豎軒眉百官結舌振玉珂以拜表天迴日月之光斥梁嶧之侈談筆挾風霜之氣所以飭政經也所以杜奢習也若乃北廊極論不憚批鱗東庫虛移鼓爲繼踵以及陳治亂之理辨卜筮之誣挽金戈于一語潛銷紫甸之兵返玉敕于九天并放丹王之侍莫不殫衷展悃罄抱輸忱視彼脂韋自營依個者号模稜之手儒厚自尙唯諾者書聯署之名其相去爲何如哉然則所謂真宰相者實惟絳能任之亦惟憲宗能知之君明臣良亦千載一時矣



緜雅堂駢體文卷五目錄

報孫彥清書

寫觀世音經告文

送譚仲儀之皖序

帶經堂記

送何鏡山之官建州序

與陳藍洲書

與施均父書

歷朝詩錄自序

春游湖上小記

秋舫填詞圖自序

小螺盒病榻憶語序

續雅堂駢體文卷五

續雅堂駢體文卷五

山陰王詒壽眉叔著

報孫彥清書

首春得惠書人事凌襍久缺不報皐皐勞燕東西川陸修阻思而不見亦既勞止足下驅車冀野解轡大梁尋兔苑之往基溯孝王之故事其亦思浩歌衛風高詠周雅延鄒生召枚叅之風而慨然歎不與古人同時乎汝州假榻縱游嵩岳訪少室之仙迹陟黃蓋之高峰吐納煙靄呼吸青蒼鸞歎鳳吟天風振蕩又何其豪也春官報罷小住都門以君通悅得失何系惟自儻從北行巖煥屢易閨中有刀環之盼孺子值宐教之時雖緩鶴未招亦當一脂歸鞅耳

僕自從事書局于今三年矣老蠹三生不飽神仙之字秋  
兔一束仍同吳市之簫比者楊大中丞復采及微薄屬總  
校事竊念校讎之學匪云小道對勘狀其精嚴掃塵喻其  
難盡訂隻文之異無證則誣存本來之真闕疑亦貴而世  
有淺人昧于古義不識壺盧之本勇于妄改亂點金銀之  
車逞其率臆輒成笑柄用是兢兢不敢少忽秋深夜寒江  
館漏永同志三五鐙火參差相與考證異同補拾錯墜往  
往寺鐘欲動黃墨未已蓋亦藉以增求古之識破羣言之  
惑心乎樂之不爲勞也上冬之杪爰理歸楫小集娛萱之  
圃止宿鷗水之堂勉鉏秋戰新捷意興自勝幼眉高才被  
落兼抱騎省之感邕闕無歡容然讀其近所爲詩益進于

婉篤而無浮響倘所爲窮而後工者邪歲云暮矣風雪閉  
門聊貢所懷不盡翹結




寫觀世音經告文

粵自華蓋雲香金塔啟青鸞之刹銀旛花擁玉宮繡靈鷲  
之文輝寶月於蓮臺雀離閱其教暢宗風於榆櫨龍樹衍  
其源緬惟慧照咸導法航式輸贊唄之誠尤被慈悲之力  
伏惟濟世上尊能仁大士顯化在妙莊之國畱迹于落伽  
之山紫竹成林卽是貝多之樹玉珩插柳便成摩歌之花  
鼈頭示象安法界于閻浮龍女皈眞扇宏風于巨海宣五  
光而普渡運千手以拯人但伸呪願卽種因緣能誦眞言  
何羈感應故昔者虎牢戰苦白馬飛來象突山高金師震  
吼徹奇輝于水底風雨谿寒消猛火于林中弓刀路隔中  
流禪舫神颺吹如鳥之帆午夜香鐙法雨照飛狐之路亦

有星沈貫索白獸開尊雪斷歐刀青螺示寢益陽獄急幻  
素羽于鶴屏南宮身危迴兇鋒于狒虜千徧致金雞之放  
五道開鐵犴之門加以離狐魂返透珠汗于緇衫紫鼠丹  
成滴玉涎于翠竹銀盆湔腑勝龍宮之禁方鐵鑠煉魔問  
蛇神其安往凡是沈災之拔竝由持念之誠略陳往事  
足證珠林說法之編若數宏慈非徒金剛鳩異之作至若  
銀橋老母妙女持幢金坐比丘閭摩合掌雖迹鄰於縹緲  
要理推乎固然故冥福之有資亦史傳所附見詒壽五濁  
凡根六尺塵質曾參妙諦誦匪代以孝經謬附文人業敢  
矜乎夙慧永懷罔極追念慈幃銅罌素萼旣愧子懋之花  
寶鏡彤爐復慚敬宣之佛用裁青簡別滌冰甌鵲尾難靈

檀之香犀液調金泥之粉敬寫觀世音經一通伏願春迴  
幽室露灑宵途餅浮五彩見普照之光華雲涌千蓮示菩  
提而接引倘比瓊宮璇室摩耶登忉利之天敢忘紫磬紺  
魚木患轉婆羅之號



送譚仲儀之皖序

歲在焉逢闔茂仲冬之月譚子將以縣令試于皖俶裝貞  
言艤棹待行時則江梅垂發煙遂弄寒夕陽滿衣吳舫如  
屋送者旣集祖席斯敞其友山陰王詒壽乃起屬之酒曰  
行矣譚君勉旃自愛行將綰銅章佩黃綬振絃歌之響爲  
民社之官矣以君通才何愧良令竊衡簪海蒙有感焉夫  
萬戶作長百里典城芴劇仰承黎元縣命故昔者東里設  
操刀之喻元明深飲酒之戒凡以重其任也自軒蓋日盛  
清濁遂淆但豔厥官遑計乃職稽其習尙可得而言本謝  
學之素優又菴文之無害階緣時會獵取一官將以籌白  
檀之餉漁奪是其本懷將以償紫纈之輸興生問其孰利

餓豺之喙一尺黠狐之幻百方丹魄紫裘服翫侈其珍麗  
季蛇叔虎僚友較乎瘠肥是謂查墨其大較也以賊深博  
燭奸之名以苛暴爲濟貪之具笞榜百楚儼鼓吹之悅聽  
呼譽滿堂置是非于不問凝血棒赤斷骨枷青善族碎于  
旣猾而豪強不敢擊愚恥畏若踞蝮而盜賊益以橫是謂  
毒螫其尤甚也性本恂恂習爲愉緹非士元之驥足效子  
猷之馬曹赤管判事棲塵腐豪黃被放衙午鼓沈夢知慧  
蔽于變季教令傳之胥奴目眩黃白之局何心乎亭疑體  
被金毳之華有同乎土偶是謂韞蠹乃其次也若此者大  
府壅而不聞同列不以爲賊其有一二自好之士清靜之  
吏則且非笑之詬病之目爲尙愚標之異黨嗟乎嗟乎所

謂導揚惠字古循吏之風其尙可問哉譚君高宇邃器淑  
質朗抱甄明經學發揮文章不以之振龍藻于螭頭侍清  
問于豹尾乃降心抑首俛仰其中雖曰猿投有林得無鸞  
枳致嘅乎然僕之意則有進也者夫置美理于叢确不能  
蝕其光者其質純也伍眾草于瑤芝久亦染其烈者其感  
漸也君抱其所學策名王途白璧見賞赤符卽下識辛昂  
之達俾行成都知卜式之能便除緱氏庶幾以儒術潤吏  
治以文雅道禮化樹居職之表作鄰城之宗或能使黷虐  
感其惠風闖茸聞而興起佳乎吏也不其盛與且皖蒙舊  
游地也形勝之國冠斗襟江爲魁偉之所棲多名賢之故  
治閒嘗詢父老讀銘碣如獨孤賜魚孟宗封鮓涪翁以篇

什顯游酢以理學傳翟公黃父之清風西谿樅陽之惠澤  
竝有遺蹤之可指非徒志乘之僅存君驅車上下當亦流  
連往徼遐思芳軌而喟然以慨乎三爵告盡棹歌已發行  
矣譚君勉旃自愛爲吾郇光爲黔赤福江水千里待君好  
音

帶經堂記

夫棲心龍祕之府鶩精虎觀之奧而不辨桐芭不知鑄鑄  
田荒柰何瘴身赤犢之策耑志丹扈之藏而不親筠素不  
識墳索學荒柰何揚子雲有言古之學者耕且養三年而  
通一經明耕讀之未嘗偏廢也吾友定海黃君元同海岱  
清士東南通儒樊重善稼著世門于南陽曹褒定禮傳家  
學于慶氏有田一頃擁書百城養沖情于素風衷羣言于  
先聖嗣君善學早著鬻籍既同玄尙克承青箱爰于甲戌  
之冬除舍北之隙地構谿南之草堂闢綠杉以爲屏種丹  
荔以網壁徑僻迴俗窗虛向陽不崇雕華取適枕葍君顧  
而樂之乃取漢兒寬事顏之曰帶經明所志也爾其煜煜

丹實蓺果林于面軒濛濛翠雪展茗旂于傍砌蘭雨低檻  
檻陰覆檐繡罽錯乎東西流泉縈其左右其中則有藜閣  
珍校瓠中舊編縹帙雲排松籤鱗次琳琳乎琅琅乎古文  
奇字兼收漆簡之蟲瓊葉靈芸曾無羽陵之蠹乃難鑪香  
卻塵軌餐典籍之芳潤尋道術之橐龠鳩雨澤土燕颺暖  
人時挾青編言涉華畝載耕載誦斯樂斯陶香來餅餌聲  
出金石林巒爲之息羽田鶴爲之引吭亦羲皇之風矣抑  
又聞之通經之用非徒淑身利居之貞豈必遺世它日者  
持其所尚設施王途則將崇詩書教稼穡使爲學之士明  
繡鞞之非珍執業之子知播琴之母惰是又足以踵儒雅  
于漢京婉宏風于千乘者也杭州朱西泉以經苑之宿彥

通畫學之六法于君爲同歲生堂旣落成因屬之爲圖而  
余爲之記

送何竟山之官建州序

離離津樹春風始來芊芊芳艸暮色千里何子于是策青  
駒發蓬驛泝穀渚踰霞關以達乎建州試其郡丞之官方  
祖筵之既張咸贈言于臨別有客慨然中坐而起謂余曰  
何子以揆摛之彥投足簿領之中非策之善也吾爲惜之  
余曰不然士有儷俊青翮擷秀丹穎汨心油素之囿騰藻  
龍魚之肆折翅屢遭鼓氣彌勅往往素絲被領青雲無路  
枕息乎繩轡之內資生于句讀之師翻然而悔亦云晚矣  
何子懷抱利器不及其壯而思變將使執蠹帙以老乎且  
扇皇途之鴻風亦何必由春官之墨勑也客又曰何子嘗  
守廣文之官矣真除可期儒官非賤今之改弦吾又慮其

迷轍也余曰是又不然夫昔者陳思作頌表矩範于學官  
鄧禹論才可問學于博士固知郡國之師卽爲治化之本  
自後世以道術爲拘迂遂置師儒于不問而居其職者亦  
復冥翫自甘萎媮不恥騎疲驢于官舍攫元雁于臯比青  
袍弟子視等草萊黃綬同官資爲謝弄成仕宦之末境乃  
壯夫所不爲何子是行也譬之叢臺寶珠所在見貴青萍  
神鐵發匣騰光粲粲之才其甘以寂寂終乎客又進曰然  
則何子曷不爲專城典牧之官而爲秉簡佐岳之吏也曷  
不至南都名勝之區而至東海卑溼之地也余曰是說也  
又所謂知一而不知二者也龐士元之展驥當在治中盧  
涓州之佩魚乃由從事半刺之任五馬同符況蠻疆要阨

東州奧區海上之烽初銷番夷之情叵測赤旗化鷲白馬  
展猷亦功名之會矣且夫鸞孔振翼不入赤霄之羣金匏  
合肆始播降神之奏今越中雄俊君子如周季貺傅節子  
諸君皆以郡丞官聞何子以榆里之好簪海同趨則將朱  
翰互引宏此絨佩之規龍藻相輝非直殷勤之雅是更非  
君所及知也客意乃解引滿而起余遂詮次問荅之言以  
贈何子之行云



與陳藍洲書

八月一日在越得徐紀報云儻從須松谿回始發計當在二十後耳初十日到會城思得展西窗之談握河梁之手而足下已于前二日行矣水雲蒼蒼瞻望弗及願言之懷良用悵然義璘迅邁晦朔又周伏惟驅程多泰軌途早抵漢江青山聳若候吏武昌官柳秋來迎人棲琴旣安柱版伊始足下以經術之彥負明通之才明月夜光見者知寶猶憶前歲之秋足下與僕及均父抵掌江樓各攄所抱因言它日者或出領民社設施何先僕以拙疏甘謝不敏均父雄氣雲翔壯詞濤涌謂當使豪強糜于赤棒猾胥懾其火符意啟法隨威行郡國而足下獨謂悃悃無華漢后良

矩吾有民社請事斯語其時涼月在簾江潮正怒拔劍起舞撫掌大哈迴首前塵如昨日事足下今且領震雷之封試製錦之手當酬曩言流慶蒼赤獨念均父南池垂翅西陲仗劍一官未成萬里孤往玉關信阻元律告寒青袍疲馬稅駕何所輒爲嗟結不復能置僕局迹緹素顧影寡儔自君之行松老旋返離抱未暢青驪載駸仲子比日歸來皖中之行當亦不遠無多良友忽復分散湛湛江水極目千里皎皎明月懷人各方此其所感又何可言楚北襟江帶河形勝之地罷參散帶當展雄覽其地風習如何鄉縣旣殊服食自別伏希起居珍衛不宣

荅施均父書

均父足下河梁攜手曾賦五言耀靈振轡倏彌一載秋閒松谿歸述足下拂衣出都萬里西邁休陽遭負匱之盜太行墜再蹶之馬毅然長征不復返顧豪邁之氣聞之神王旣念孤蹤關塞冒犯霜露登樓引領復用悵結歲聿云暮始得十月十日臯蘭書發函伸紙迴環三復鋒振詞舉有同抵掌夫豐城劍氣待茂先而始騰雒陽玉檢遇子伯而增寶足下之見器于相國宐也足下習虎鈴之經抱龍驤之志以枕戈之越石依當代之夷吾誠神鯨得雷雨駿足步風雲之時虎牙建節燕領封侯烈士壯猶固無多讓然必謂功名當如班超陳湯而以一郡一邑爲未屑僕竊以

續州堂縣志卷五  
謂過矣夫守郡者股肱之任臨邑者政化之基宣帝有言  
惟良二千石其治漢官之制掌一萬戶上爲令興剔仰施  
黎元繫命故古者郡邑良吏類有公輔之器將帥之資或  
赤丸變起黑山寇來則且提袍展旂揚武定旤其裝績丹  
常熠氏青簡者蓋比比也僕願足下韜鉞櫜彩和光葆貞  
循資以求隨分而處勿舍夷途而趨險軌勿棄近績而夸  
遠功此則萬里故人所殷殷進規者耳數月以來松谿赴  
江右藍洲赴荆門仲修赴皖南竝以長才騁于王路僕冷  
螢無燄老蠹同餐側身四顧彌悵寥落良朋星散薄俗雲  
浮如何如何海濱騷動幸已銷烽天台之變乃由征賦弄  
潢池之兵無非赤子聚南山之盜尙是白徒誠得賢長官

善處之當無慮耳朔風凜然聽園梅開巡檐孤嘯懷我知  
己邊地苦寒雪厚幾許伏冀眠餐倍萬珍重

歷朝詩錄自序

粵自瑤練衍朱琴之譜網罟興歌瓊絃流素瑟之聲豐年  
繼詠騅齒應參之帝傳咸黑之奧文蜺精貫月之朝攄叢  
雲之浩奏拜靈雩于韻座松棟畱音仰卿瑞於紉雲薰琴  
播美襄陵逸唱實婉盛于賡揚晨露清詞乃先軌乎比興  
以及素王之所訂湘纍之所吟八風肇律七鬯宣和至音  
所流負乎莫尙矣若乃赤炎統序黃靈膺圖蘇李振其先  
聲曹劉展其駿步承源乎騷雅揚藜乎琳琅典午開清新  
之途南都尙綉麗之製藻彥鱗襲雕章鳳鷄至夫有唐是  
際極盛麟德之世四傑擅其勝大厯而後十子爲之宗掣  
青鯨于碧海旣拓盛朝之觀縈落花于迴風亦標晚紀之

致逮乎宋金之作元明之篇洵風雅之代興有才人之踵  
起雖其體或殊夫洪纖而發言咸係乎時會要皆抒自得  
之精蘊成一代之風氣而論者好爲高語謂體必尊漢京  
誦勿踰盛唐比齊梁于皇琴斥季近爲紫色吁何其慎也  
夫詩言性情百代同軌溯其所自可得而言彼夫金門妙  
彥玉苑儒臣柏梁繼音龍池應制賡頌之體麗則同歸若  
乃落日弔古結渺思于煙雲碧山棲沖寄高情于泉石亦  
有楓林江水良朋遠去之時艸色天涯客子思家之日志  
士失路投足無門孤憤鬱懷問天不語莫不發孤唱起慨  
歌託閨檐以宣幽協宮徵以寫蘊故人代所隔雖有遐邇  
之分天機所流必無異同之致出乎真性卽成雅音苟旨

趣之無乖自矩矱之有在何必規規焉過爲區別哉僕愧  
非揆擗之才略識詠吟之旨蚤號自惜獮祭甘譏爰卽夙  
習之舊編爲別錄于暇日掇其珠玉不爲主客之圖翦其  
蕭稂葭因時代而泥不名一體轉益多師用作敝帚之珍  
敢曰騷林之表嗟乎一士之生百年如寄上之欲明廷高  
議定縣蕞之儀次亦當祕閣陳書繼青藜之業乃徒沾沾  
於雕蟲之末矜窺豹之論亦可慨也夫

春游湖上小記

甲戌三月之二十日林雨乍過新綠媚人輕風不寒薄陰  
垂水乃呼吟臚約歡侶白袷三四蘭槳一雙言從涌金之  
郭汎乎明聖之湖于是緣修隄湖枉渚穿平橋指幽麓激  
波穀展鷗路入花古藍雲藏魚唄越竹羈榜槩樹潑萍碧  
甌長髯挈壺老曩迎客攜鑽籬之珍菜烹水梭之小鮮舉  
酒促棹放乎中流魚鳥寫其娟妍煙波樂其清曠南高北  
高遙接雲氣裏湖外湖淡隔柳景色秀餐可綠淨唾難余  
乃岸幘四顧破舷而歌歌曰水如掌兮山如睂方仙舟兮  
澹忘歸春欲暮兮花亂飛君不飲兮何爲客和之曰水如  
鏡兮山如螺燕燕舞兮鸞鸞歌勸君飲盡金叵羅佳辰良

會苦不多清韻迥然林壑眾應白雲依依夕陽欲墮返羽  
拂水暝色漸合迴舟遵岸乘風詠歸夫冰幰繡檻泊藤陰  
之伎船金絲玉簧流花底之珠唱往昔歡游非無綺集然  
而悅魂于歌舞則曠逸之趣不專綴目于釵黛則崢泓之  
觀或蔽故竹肉之縟節不若山水之清音也朱勳之錯列  
不若鷗鷺之相親也翩一葦其可杭忻良儔之共載飄飄  
然作天地閒想汎汎乎如水中之鳧于胥樂兮何以加茲  
因泚筆記之以志一時雅趣云

秋舫填詞圖自序

余自庚午歲以撫軍楊石泉中丞之辟校經虎林去家不  
遙閒日可達每值秋霽輕裝往來自解西陵之纜至于北  
郭之廬江程紆回水木明瑟烏篷八尺坐臥襟以酒餅青  
山一窗煙雲供其畫本興之所至輒譜小詞觸盼流聲不  
假錘琢用以酬清景寫渺襟也于時江蘼送香汀樹未脫  
清陰垂野輕寒流衣蓼雨一尺夕陽乍晴蘋風半灣涼色  
在水亦有蓮女單檝菱娃疊舸低徊江南之唱宛轉西洲  
之曲及乎清霜戒冷白雲不飛肥菰蘼波野雁忽下殘荷  
掩寺一僧獨歸菊離離其綴芳蘆蕭蕭以荅獻暝煙墮樹  
皎魄出林禿柳橋欹晚漁發其清唱黃葉邨小遙鐙生夫

水光莫不引白石之幽情入贛洲之邃譜夫昔者端已扁舟沮棹乎章水甫里高致恣情於茗谿良以途危則跬步比之靈關程夷則浩蕩等之衽席猶憶辛酉之秋狂寇滔天吳越陸沈聞關避地扁舟西下同此百數十里閒青烽照乎碧波斷骸橫于高岸腥風如虎瘞日不輝狐鳴狼跑耳礪目棘谿葉偶卷疑邏騎之忽來林鴉四飛驚妖旂之突起江笛無語惟聞哀角之聲水花自紅卽是殘魂之血當此之時惴惴焉皇皇焉又安知有水鄉之可樂秋色之足賞哉今者麼旼早湔江戍無警儻何乎浦激揚擊乎中流魚鳥親人江湖有味高歌水調和以破舫之聲散髮天風招彼吹笙之侶亦未始非吾生之厚幸也夫錢塘朱西

泉孝廉讀余詞而好之爲作斯圖余遂自序其緣起云時甲戌仲冬日




小螺盒病榻憶語序

病榻憶語一卷會稽孫瘦梅觀察哭其女越晚女史而作也芳蹤欲塵秋淚不熱殺青甫竟來徵弁詞僕也買鄰千萬幸接清風通徑十年與其明月其時青谿妹小問字花簾左家女嬌待年蘿屋與女史問訊時通過從勿閒燃脂互寫珍珠密字之牋擘繭聯吟金縷寶釵之句紛茲內美芳其彌章繁言不聞淑履可述夫其珍同么鳳慧兆翠雞陶靖節之憫情尚憐其弱張安昌之愛女頗甚于男生長乎綺羅出入乎保抱縱使性成嬌情嗜在麗都以論清閨未云累德而女史則蕙心獨幽梅格不俗五紋綵綫時挑夜繡之鐙百蝶羅袞不結春游之伴畫螺硯畔每襍青編

吹絮箴中兼藏古墨誦南華秋水身是綠衣之仙錄北山  
移文書奪金鑿之迹翡翠之牀在手珠玉之唾隨風喜書  
早見乎九齡熟簡已盈夫三尺況乃晨妝掃月修蘭笑以  
承顏午課吟花捧桃賤而繞膝叢編代檢雲葉阜羅之廚  
僻事能徵錦舌青瑤之乘由來淑女不異佳兒如此仙姿  
合歸天上雲冉冉其引寢風飄飄兮吹衣明星玉女手白  
運以上征青靈羽人卓翠幢以早待皆卷中  
本事墨螻之境匪  
幻白鸞之召旋來溯其示疾之初迄乎彌留之際玉骨支  
痿不廢鳴蟬之梳絲喘顫涼尚戀秋蛩之字觀察則水量  
磁斗藥屑銀船龍宮檢方丹九還而莫合雁鐙警寤夕五  
起而猶驚一霎曇花半年病葉五絲安續雙淚空彈蕭瑟

珠櫳永絕青絃之響叢殘粉翰忍開黃竹之箱徒憶其零  
星倚枕之言冀抒此夜雨虛帷之感亦可悲矣然而悲歡  
境也修短命也綵雲之聚散何常舜華之盛徂隨化況乎  
吟傳七字綠楊鐙景之篇決別一言碧落天邊之約俱本  
事  
容華著才媛之号飛瓊返仙島之眞瑤海雖遙珠輝宛在  
嗶簫乍奏恍睹平桂旗雕華勿湮有同夫梓瑟將見香甬  
展碧咸誦秋風楚些之詞麗句敲金爭題明月湘君之什





續牙生馬骨之類

